

Referenzen

In Biehmerschdorf is unten draußen Langs Gasthus, deat hieß frieher „Edelweiß“. Neabnbei is do noch e Materjalwarnloden, deat gehäret dr- zu. Dr Fillschen Hermann, deat saak frieher drauf, natierlicherweise waret ze gleicher Zeit Wärt unn Kaufmann, alles mitenanner zesamm offemol.

Do kimmt ea emol e Räsender vun Gere nein in Loden unn tat nu sei Zeig, wos'r alles lus wearn wullt, esunochennannerfort heardeklamiern, unn dr Hermann sullt nu feste beschtelln. „Nu“, sogt dr Hermann, „do wellm'r mol ahnsangen, schreimse mol auf. Alsu Reis schreimse en halb'n Zeantner, Grieh en Bertelszeantner, Buhnen ea en Bertelszeantner —“ unesunochennannerfort. Weil dr Hermann nu su viel beschtelln tot, wurets dean Räsenden doch weagn Geald ewing angst unn 'r mußt erscht 'n Hermann frogn, ob 'rsch ea bezohln kännt, nu esu ganz vierichtig: „Wie is'n, Herr Fillsch, mit'n Referenzen?“ „Wos mähen se?“ sogt dr Hermann. „Jesh mähn“, sogt dr Räsende, „ob se Referenzen homm.“ „Ach su“, sogt dr Hermann, „Referenzen — na, schreimse ea en Bertelszeantner droun mit auf!“